

per quam possunt, cum volunt viuētibz mirabiliter apparere Deo volente, & sic apparitio huiusmodi est secundū glorię virtutem quasi naturale, non autē animę secundum se. Sed damnatę animę nō possunt apparere tali modo pro sua uoluntate, ergo non est naturale earum apparitio. Tercio apparitio animę potest considerari ex parte diuinę prouidentię, & isto modo dicendum q̄ ex diuina prouidentia, animę quę sunt in purgatorio, & etiam animę damnatorum, necnon et mali angeli permittuntur viuētibz apparere propter plures rationes, videlicet.

Primo Animę de purgatorio precipue apparent propter petitionē suffragiorum a uiuis, vt patet ex 4. li. dialo. Gregorij. Secundo. Animę felices in celo precipue apparent propter auxiliationem oppresorum fidelium, sicut beatus Felix martyr ciuibz Nolanis apparuit cum a Barbaris expugnaretur, & sanctus Lucas Antiochenis. Adde q̄ beati apparent etiam sepe propter salutem, & deuotorum consolationem, aut affecutionem in mortis hora, aut huiusmodi causare. Tercio. Animę quę sunt in inferno apparent precipue propter eruditionem & terrorem hominum Deo volente, vt corrigantur & reuocentur a peccatis ipsi uiui ex reuelatione peccatorum acerbissimarum, & huiusmodi aliis causare. Adde quarto. Animę quę in uete. test. erant in limbo sanctorum aliquando apparuerunt propter confortationem fidelium, scilicet in bello contra hostes, ut patet de Hieremia Propheta, & Onia qui apparuerūt Iudę. 2. Macha. 15. Vltimo dęmones apparere intendunt maxime propter deceptionem incautorum, sicut Sauli, qui petiuit phitonissam diuinare, & Samuelem suscitare, apparuit in forma Samuele diabolus, secundum vnam expositionem Augustini. 1. Reg. 28. quasi aliquod phantasma, & illusio imaginaria diaboli machinatione facta, quam scriptura Samuelem appellat, sicut imagines nominibus rerum suarum appellantur, tamen alij aliter dicunt. Sed qui quid sit sufficiat mihi dicere, q̄ Dei charitas oīa hęc, & alia in bonū pro electis ordinauit, maxime apparitionem beatarum animarum, quia

semper fit propter uirorū salutem, sicut patet quādo beati Petrus, & Pau. apparuerūt Constantino. Aut simul propter consolationem, sicut beata Agatha apparuit, scilicet Lucia, & ita de multis apparitionibus.

QUALITER apparent aīę separate ut uideatur a uiuis. Rūci s̄m Antonij archiepiscopus Flor. in sum. par. 1. tit. 3. c. 1. cum Tho. ubi sup. q̄ Primo aliqui apparent in suo corpore proprio resuscitato, ut legitur Mar. penul. q̄ multa corpora sanctorum cum Christo surrexerunt, & app. multis. Secundo aliqui sine corpore resuscitato proprio, tamen in corpore ex aere assumpto, patet de Pascaio &c. Tercio aliqui huiusmodi apparitio fit operatione bonorū angelorū, ignorantibus et ipsi mortuis, sicut et uiui aliqui aliis viuētibz in somnijs apparent faciente angelo, illis, scilicet uiuis ignorantibus, & tunc angelus apparet in persona mortui, vt dicit Aug. li. de spū & aīa. cap. 28. Quemadmodum de hoc habetur in li. 2. tactū. vi de ibi ubi Apparitio. § 5. & 6. Isto modo accidisse putatur in apparitione sancti Nicolai facta Constantino Imperatori, prohibendo uidelicet necem trium principum captorum &c. Aliquando autem fit apparitio operatione malorum angelorum homini, siue dormienti, siue uigilanti, non presentibus illis hominibus, in quorum personis apparent, vel ad deceptionem, vel ad instructionem viuētiū, secundum e. Tho. in 4. di. 45. Quarto principaliter aliquando fit apparitio Christi, uel beate Marię, aut aliorum sanctorum per angelum bonum personam Christi, uel illius sancti, in cuius persona apparet, representatē, sicut quando data est lex uetus in mōte Sinai, angelus bonus apparuit loquens in persona Dei, & similiter i aliis huiusmodi. Aliquando autē huiusmodi apparitio etiam in persona Christi fit per malum angelū, qui se trāsfiguratur in angelū lucis, ut dicit Apost. 2. Corin. 11. & hoc ad decipiendum homines; Quod facit (secundum Lyram) pluribus modis. Primo corpus assumendo uisibiliter. Ex aere, sicut legitur. q̄ diabolus apparuit sancto Martino in specie Christi purpuratus, & diademate coronatus &c.

S. 35

Quando angelus apparet in persona mortui.

Thom.

Lyra

Secun

Grego.

Multi-plex apparitio animarū.

Augu.